



ATLET renang berirama (dari kiri) Zylane, Tasha, Katrina bersama jurulatih Long Yan (kanan) semangat cipta kejayaan di Incheon.

Zylane teruja beraksi di Incheon

Incheon: Zylane Lee hanya mempunyai masa empat bulan untuk berlatih dan menyesuaikan diri dengan perenang berpengalaman, Katrina Ann Hadi sebelum bertanding pada temasya Sukan Asia Incheon.

Dalam tempoh itu, perenang berusia 22 tahun itu hanya berpeluang beraksi di

samping Katrina dua kali dalam pertandingan kompetitif.

"Ini kali pertama saya digandingkan dengan Katrina pada temasya besar dan ini juga Sukan Asia pertama saya.

"Kami memang sudah mengetahui rutin yang harus dilakukan dan hanya

perlu memperbaiki keseragaman gandingan ketika melakukan rutin," katanya sebaik tiba di Incheon bersama skuad renang berirama semalam.

Penuntut jurusan sains dan teknologi pemakanan di Universiti Putra Malaysia (UPM) itu memenangi pingat emas acara berpasukan

pada temasya Sukan SEA 2011 di Palembang dan kini teruja dengan penampilan sulungnya pada temasya sukan terbesar di Asia.

Selain Katrina dan Zylane, skuad tiga perenang negara turut disertai Tasha Jane Taher Ali. Mereka mendapat sentuhan dan bimbingan jurulatih dari China, Long Yan.